

摘藻堂四庫全書薈要

子部

欽定四庫全書薈要

子部

御定淵鑑類函卷

七十九  
八十

詳校官兵部主事臣雷純

欽定四庫全書舊要卷一萬一千五百二十七

子部

御定淵鑑類函卷七十九

設官部十九

禮部尚書

侍郎附

禮部郎中

員外郎附

祠部郎中

員外郎附

膳部郎中

員外郎附

主客郎中

員外郎附

禮部尚書一

侍郎附

原杜氏通典曰唐虞之際秩宗典三禮周禮春官大宗

伯掌建邦之天神人鬼地祇之禮後漢尚書吏曹兼掌

齋祀亦其職也魏尚書有祠部曹及晉江左有祠部尚

書掌廟祧之禮

嵇含臺中宴會詩其祠部云仰承宗廟闕懷祗虔

常與右僕射

通職不常置以右僕射攝之

歷代皆與右僕射通職

宋祠部尚書

領祠部儀曹二曹齊梁陳皆有祠部尚書後魏爲儀曹

尚書北齊祠部尚書統祠部

掌祠祀醫藥死喪贈賻

主客虞曹屯

田起部五曹又有儀曹主吉凶禮制屬殿中尚書後周

置春官卿又有禮部而不言職事後改禮部爲宗伯又

春官之屬有典命

掌內外九族之差及玉器衣服之令沙門道士之法

後改典命

爲大司禮俄改大司禮復爲禮部謂之禮部大夫

後周盧凱

爲禮部大夫  
充聘陳使

至隋置禮部尚書統禮部祠部主客膳部

四曹蓋因後周禮部之名兼前代祠部儀曹之職唐龍  
朔二年改禮部尚書爲司禮太常伯咸亨元年復舊光  
宅元年改禮部爲春官神龍元年復舊總判祠部禮部  
膳部主客事 增文獻通考曰宋禮部判部事二人以

兩制及帶職朝官以上充凡禮儀之事悉歸於太常禮  
院而貢舉之政領於知貢舉官本曹但掌制科舉人補  
奏太廟郊社齋郎室長掌座都省集議百官謝賀章表

諸州申舉祥瑞出納內外牌印之事而兼領貢院官制  
行始正其職凡天地宗廟陵園之祀后妃親王將相封  
冊之命皇子加封公主降嫁稽其彝以詔上下而舉行  
之朝廷慶會宴樂宗室冠婚喪祭蕃使去來宴賜與夫  
經筵史館賜書修書之禮例皆同奉常講求參酌而定  
其儀節三歲貢舉學校試補諸生皆總其政旌節章服  
之頒祥瑞表奏之進凡關於禮樂者皆掌之建炎三年  
詔鴻臚光祿寺并歸於禮部太常國子監亦隸焉分案

五曰禮樂曰貢舉曰宗正奉使帳曰封冊表曰檢法各隨其名而治其事 續文獻通考曰遼北面以都司掌

禮儀視禮部南面有禮部尚書下侍郎郎中員外郎並同吏部 金禮部尚書一員侍郎郎中員外郎各一員主事二員 元禮部尚書三員侍郎郎中各二員員外郎六員品秩與吏部同掌天下禮樂祭祀朝會燕享貢舉之政令凡儀制損益之文符印簡冊之信神人封謚之法忠孝貞義之褒送迎聘好之節文學僧道之事婚

姻繼續之辨音藝膳供之物悉以任之中統元年以吏

戶禮爲左三部置尚書侍郎郎中各二員員外郎六員  
總領三部之事十三年始別爲禮部元貞元年復增尚  
書一員領會同館事 明初沿唐宋之制設禮部尚書

侍郎之職掌天下禮儀祭祀宴享貢舉之政令仍屬中  
書省洪武十三年革中書省陞六部禮部屬有四曰儀  
部曰祠部曰膳部曰主客部二十九年改儀部爲儀制  
祠部爲祠祭膳部爲精膳主客仍舊俱稱清吏司永爲



定制國家稽古右文敷典察倫類非博雅崇古道藝德  
行備具者莫稱茲任故成化弘治以來率以翰林儒臣  
爲之登公孤任輔導以至秉持國是皆必由此云 原

杜氏通典曰侍郎周官春官小宗伯中大夫頗同今任  
後周依周官今侍郎則隋煬帝置唐因之龍朔二年改  
爲司禮少常伯咸亨元年復舊他時曹名或改而官號  
不易掌策試貢舉及齋郎弘崇國子生等事舊制考功  
員外郎掌貢舉開元二十三年考功員外郎李昂爲進

士李權所詆朝議以考功位輕不足以臨多士至二十四年遂以禮部侍郎掌焉開元天寶之中昇平旣久羣士務進天下髦彥由其取舍故勢傾當時資與吏部侍郎等同 增文獻通考曰宋侍郎貳尚書之事南渡諸曹長貳互置紹興七年禮部置侍郎二員隆興初詔尚書不常置禮部侍郎置一員 續文獻通考曰遼南面禮部侍郎同吏部 金禮部侍郎一員正四品 元禮部侍郎二員 明禮部左右侍郎各一人

禮部尚書二

增虞書曰帝曰咨四岳有能典朕三禮僉曰伯夷帝曰  
俞咨伯女作秩宗夙夜惟寅直哉惟清 典略曰契爲  
司徒百姓和親夔主賓客遠人必至 家語曰父子不  
能長幼失序上下乖離異志曰不和不和則飭宗伯  
北史曰後魏孝文留宋弁兼祠部攝七兵事曰國之大  
事在祀與戎故令卿管攝二曹 又曰隋牛弘以典籍  
遺逸上表請開獻書之路拜禮部尚書奉勅修撰五禮

勒成百卷行於當代又請依古制修立明堂以時事草  
創未遑制作竟寢不行 又曰隋辛彥之進禮部尚書  
與祕書監牛弘撰新禮帝令彥之與沈重論議重不能  
抗避席而謝曰辛君所謂金城湯池無可攻之勢帝大  
悅 唐書曰李揆字端卿門地人物文學皆當世第一  
爲禮部尚書素爲盧杞所惡用爲吐蕃會盟使至蕃酋  
長曰聞唐家有第一人李揆公是否揆畏留因紿之曰  
彼李揆安肯來邪 又曰韋綬字子章進位禮部尚書

穆宗問所以禳災祈福者對曰昔宋景公以善言退法  
星三舍漢文帝除祕祝勅有司祭而不祈此二君皆受  
自致之福如失德以却災媚神以勾助非祈禳之道也  
又睿宗朝薛稷為禮部尚書以有翊贊功每名入宮  
中與決事恩絕羣臣又曰李綱字文紀仕隋官不進  
筮之得鼎卦筮人曰君當為卿輔待易姓乃如志至唐  
終禮部尚書北夢瑣言曰偽蜀韓昭為禮部尚書凡  
琴碁書算射法悉皆涉獵李台瑕曰韓八座仕藝如折

鞮線無一條長 通略曰豐稷為禮部尚書哲宗升祔

議功臣配享稷以為當用司馬光呂公著或者謂二人得罪於哲宗朝不可用稷曰止論其有功於時爾如唐五王配享中宗豈非得罪於中宗者哉 金史曰張浩字浩然天眷中遷禮部尚書田穀事起臺省一空以浩行六部事簿書叢委決遣無留人服其才 元史曰庫

庫拜禮部尚書監羣玉內司正色率下國制大樂諸坊咸隸本部遇公讌衆伎畢陳庫庫視之泊如僚佐以下

皆肅然 又曰許宸字君黼一名和爾郭斯國珍子也  
除禮部尚書提點太醫院事賜日月龍鳳文綺衣二襲  
每外國使至必命與之語辭明理辨莫不傾服 又曰  
張養浩字希孟拜禮部尚書會元夕英宗欲于內庭張  
燈為鰲山養浩即上疏諫帝大怒既覽而喜曰非張希  
孟不敢言即罷之仍賜尚服金織幣一帛一以旌其直  
又曰曹元用字子貞泰定中轉禮部尚書及大朝會  
為糾儀官申卷班之令俾以序退無爭門而出之擾行

之獻徵錄曰明呂震字克聲太宗時為禮部尚書聰  
明絕人每朝奏請他尚書皆執副本又與左右更進迭  
奏震兼戶兵二部奏牘愈多皆自專對侍郎不與也情  
狀委曲千緒萬端一覽之後輒背誦如流水未嘗有誤  
以上  
尚書

舊唐書曰高鋈開成元年為禮部侍郎凡掌貢  
部三年每歲登第者四十人三年榜出後勅曰進士每  
歲四十人其數過多則乖精選官途填委宜窒其源改  
每年限放三十人如不登其數亦聽然錯選擢雖多頗



得實才抑豪華擢孤進至今稱之 又曰高郢字公楚  
為禮部侍郎時四方士務朋比更相譽薦以動有司徇  
名亡實郢疾之乃謝絕請謁顓取行藝司貢部凡三歲  
甄幽獨抑浮華流競之俗為哀 唐書曰李揆兼禮部

侍郎病取士不考實徒露搜索禁所挾而迂學陋生藉  
枕圖史且不能自措於辭乃大陳書庭中進諸儒約曰  
上選士但務得才可盡所欲言由是人人稱美 又曰  
賈至為禮部侍郎建言歲方艱歉舉人赴省者兩都試

之兩都試人自此始 又曰楊綰為禮部侍郎上疏議

貢舉請罷明經進士復古孝廉力田等科天下高其議

又曰柳璟字德輝為禮部侍郎為人寬信好接士稱

人之長遊於門者皆顯於世 又曰崔郾字廣略轉禮

部侍郎凡兩歲貢士平心閱試所擢者無非名士為公

輔名卿者十人 又曰韋純為禮部侍郎取士抑浮華

先行實嘗從容奏曰禮部侍郎重於宰相帝曰侍郎是

宰相除安得為重曰為陛下揀宰相者得無重乎帝美

其言 又曰唐韋陟傳云陟字殷卿為禮部侍郎曩者

主司取與皆以一場之善遂登科目陟先知其所長然後依常式考覈片善無遺美聲盈路 宋史曰曾幾權

禮部侍郎兄楸開皆嘗貳春官幾復為之人以為榮每會同舍多談前輩言行臺閣典章搢紳推重焉 又曰

宋劉正夫字德初除禮部侍郎彗星見詔求直言正夫條奏時政十餘事大略重名器輕賦斂戢干戈節賜予及持盈守成之道徽宗嘉納之 中興繫年錄曰中丞

張守謚文靖除禮部侍郎力辭不拜上命呂頤浩召至

政事堂諭以正士不宜輕去朝廷守乃受命 又曰紹

興間呂廣問為禮部侍郎上謂大臣曰廣問老成不沽

激往時薦之者多 金史曰阿勒根彥忠貞元二年進

禮部侍郎海陵凡有所疑使彥忠裁決彥忠據法以對

間有不合則召讓之彥忠執奏如前終無阿屈 獻徵

錄曰明吾紳起拜禮部右侍郎太宗謂尚書呂震曰吾

紳出自翰林可佐卿典禮矣 又曰王直字行儉正統

中進禮部侍郎仍兼學士出涖部事處之裕如若素習者又曰王英字時彥進禮部左侍郎浙江台寧等府民遭疫死甚衆上遣英齋香幣往祀南鎮以禳民癘時浙久旱英至紹興大雨水深二尺灌獻之夕雨止星見明日又大雨田野霑足人皆喜曰此侍郎雨也

以上侍郎

### 禮部尚書三

原伯夷

彤伯

上見二虞書王命彤伯入為宗伯

書注成

統百官諧萬

民治神人和上下

周禮宗伯掌禮典以和邦國以統百官以諧萬民

書宗伯掌邦禮

治神人和上下注云春官卿也宗廟之官長主國禮治天神地祇人鬼之事及國之吉凶賓軍嘉之禮以和上

下尊  
卑  
當同和之代先務化成  
居禮樂之司必資明

備白帖  
增大僚  
古卿唐李絳制宗伯秩禮是為大僚宋曾南豐擬制云春官古卿

是用  
授汝  
作秩宗  
掌邦禮上見前二虞書周禮云春官宗伯使帥其屬而掌邦禮

以佐王  
和邦國  
稱容臺  
踐台斗鄭康成云商家禮樂之官知禮容故署稱容臺杜

甫送王評事詩及乎貞觀初尚書踐台斗注  
云貞觀初王珪拜禮部尚書後以侍郎執政  
管攝二

曹  
兼授二職上見前二北史唐書云高宗謂裴行儉曰卿文武兼資故授卿以二職即日

拜禮部尚書兼檢  
校右衛大將軍  
却西蕃貢馬  
論高麗市書蘇軾三馬

贊序云元祐西蕃有貢駿馬汗血者事下禮部軾時為宗伯判其狀云朝廷方却走馬正復汗血亦何所用事遂寢通略云高麗貢使請買書籍朝廷以故事盡許之禮部尚書蘇軾言漢東平王求諸子太史公書猶不

許今可許乎詔曾

以文章復用

如圖畫中睹

金史曰趙

經買者許依例

秉文字周臣興定中拜禮部尚書以貢舉坐取進士盧

亞重用韻致仕後復為禮部尚書入謝上曰卿春秋高

以文章故須復用卿元史曰張起巖字夢臣拜禮部

尚書文宗親郊起巖充大禮使導帝陟降步武有節衣

前後襜如陪位百官望之如古圖畫中定樂章抗

所覲帝甚嘉之賜賚優渥以上尚書

和議周益公集曰洪适權禮部侍郎上初講郊祀公乞

進昨德壽宮及改定樂章人謂禮與時皆得之

中興繫年錄曰禮部侍郎曾開知婺州先是秦檜語和

議曰此事大係安危開於坐中抗聲曰丞相今日不當

說安危止合論存亡爾檜  
矍然驚其言遂命出守

# 題堂書笏

唐書曰崔氏兄弟皆為禮

部居光德里構便齋宣宗曰卿一門孝友可為士族法  
因題曰德星堂逮史曰劉景字可大景宗時擢禮部

侍郎及遷尚書上方欲倚用  
乃書笏曰劉景可留宰相

## 不阿權近

請置孝廉

唐王凝為禮部侍郎不  
阿權近下見二楊綰

## 兩加榮命

三知貢舉

唐書曰賀

知章遷禮部侍郎兼授學士一日並謝訖謁宰臣源侍  
中謂張說曰賀公久著盛名今日一時加二榮命並為

學士之光輝然二者孰為美說曰侍郎自皇朝以來為  
衣冠之華選自非履歷清要望實俱美者無以居之雖

然終是具員之吏學士者懷先王之道為縉紳軌範蘊  
揚班之詞采兼游夏之文學始可處之無媿二美之中

此為愈也五代史曰後唐同光中裴皞拜禮部侍郎  
前後三知貢舉晉高祖時宰相桑維翰亦成名於皞榜



下嘗謁皞於私第皞不迎不送或問之荅曰皞見維翰於中書則庶僚也維翰見皞於私第則門生也何送之有人亦重

### 舍人引麻

貢士試柳

唐南部新書曰常衮自禮部侍郎入

其耿介

相初潘炎為舍人引麻因戲之曰留取破麻鞭著衮視事不浹旬果拜相

唐書曰李渭字君載遷禮部侍郎始中書省有古柳建中末枯死德宗自梁還復榮茂人以為瑞柳渭令貢士賦之上聞不以為善父

### 子同貳南省

兄弟五為禮部

唐書曰崔挹子湜先是

部侍郎父子同為南省副貳有唐以來未有此事又曰崔氏兄弟六人邠鄆凡為禮部五吏部再

以直清公正者處之非文儒鑒裁者不在

上見後韋貫之制

職類曰稱秩元祀春官舊職舉秀興庶國朝兼領非文儒碩茂鑒裁精實重於一時者不在此也

不

宜輕出 當專任用

上見二張守 朱晦菴集張魏公復除知興元府已登舟除禮部侍

郎台對便殿上慰勞宣諭曰朕將有為正欲一  
飛冲天而無羽翼者卿為朕留意當專任用

士林

稱慶 文運其昌

獻徵錄曰明蔣驥拜禮部右侍郎命  
下之日士林稱慶皆以為儒者之榮

遇莫此為盛 又曰曾魯太宗時為禮部侍郎時倭入  
寇戍將每捕獲之上憫其無知命儒臣草詔歸其俘魯  
所撰有中國一視同仁語上曰頃觀陶凱文已  
起人意魯復如此文運庶其昌乎 以上侍郎

禮部尚書四

原惟文物禮樂之司獨高他選 非道德詞章之望不

在此官 和上下而治神人 經國家而定社稷 丹

青一代之文 明白百王之制 太平六典已知周宰

相之有人 繇叢諸生寧若漢奉常之不古 春官六

十立之長以維專 曲禮三千待其人而後舉

翰苑新書

同履艱難

元史曰許國禎字進之至元中遷禮部尚書上疏言慎財賦禁服色明法律嚴武備設諫

官均衛兵建學校立朝儀事多施行帝與近臣言及勲舊大臣因謂國禎曰朕昔出征同履艱難者惟卿數人在

親書官階

又曰郭貫字安道至大中除禮部尚書帝親書其官階曰嘉議大夫以授有司

特賜銀章

獻徵錄曰胡滌字源潔宣宗時進禮部尚書上嘉其清勤特賜銀章四其二曰文恭

世家曰清和恭靖蓋嘉美褒美之也

改造璣衡

又曰周洪謨憲宗時拜禮部尚書言書載璿璣

王衡蔡傳不得其制乞改造  
以備占候從之以上尚書

### 明練故事

北史柳敏為禮部中大夫

後改禮部為司宗仍以敏為之敏操履方正性又恭勤  
每日將朝必夙興待旦又久處臺閣明練故事近儀或

垂先典者皆按據舊章刊正通典

### 文柄舉屬

宋楊大年撰行

周官小宗伯中大夫頗同今任

狀程大昌權禮部侍郎一時文柄舉屬於公其  
成就人才不可計凡今老師宿儒多公門生也

### 天選

### 侍郎

獻徵錄曰李紹字克述英宗時陞禮部右侍郎時  
有結權貴圖進者上不許密訪近輔求才德老成

厭服人心者得紹甚喜曰朕知其人久矣台吏部陞  
任紹公卿往賀尚書王皞舉酒酬曰天選侍郎也

### 超然矰繳外

敬日草曰彭凌霄字用沈鄧州浙川人進  
禮部右侍郎會推內閣力辭不赴以奸黨

在事故早退安貧超然矰繳之  
外獨彭公一人以上侍郎

禮部尚書五

增詩唐劉禹錫寄王侍郎放榜詩曰禮闈春榜動長安  
九陌人人走馬看一日聲名徧天下滿城桃李屬春官  
增歲明宣宗禮部歲曰聖人立極法天出治為治之本  
莫大於禮稽古伯夷為虞秩宗所典三禮宗伯攸同既  
治神人亦和上下政本之地實宣教化惟我祖宗承古  
之道品節制度式昭禮教幽明崇卑秩乎有序大法大  
經靡不備舉咨爾禮臣夙夜惟寅秉其直清以交神明

安上治民爰及四裔祇循舊章亦義之比惟卿暨佐予  
汝協恭暨厥四屬於卿率從治國去禮猶耕無耜咸篤  
敬之以懋政事

增制唐常袞授張謂禮部侍郎制曰稱秩元祀春官職  
焉舉秀興賢國朝兼領非文儒碩茂鑒裁精實重於一  
時者不在此地具官張謂宏達有檢和平易容博涉羣  
籍通其源流振起鴻藻正其聲律翰飛北閣煥發司言  
居部長人不忘惠訓輔相東禁孝友彰明貳宗伯之掌

禮典諸侯之貢士以爾公望副茲春求 白居易授韋

貫之禮部侍郎制曰典郊祀之禮獻賢能之書今小宗  
伯實兼二事非直清明正者不足以處之具官韋貫之  
沈實堅峻文以禮樂行成於內移用於官公直之聲滿  
於臺閣頃以詞藻選登禁掖秉筆書命時稱得人多積  
勤勞宜有遷轉可使典禮以和神人可使考文以第俊  
秀儀曹之選僉議所歸往修乃官無替厥問 鄭處誨  
授鄭薰禮部侍郎制曰儀曹劇任中臺慎擇總百郡之

俊造考五禮之異同必求上才以允僉屬具官鄭薰文  
諧騷雅鼓吹前言譽洽縉紳領袖時輩操守必修其謙  
柄進退常踐於德藩疊中詞科亟陞清貫持橐列金章  
之侍揮毫擅紫闥之工是用俾司貢籍以振儒風擧拔  
既尚於幽貞聳勸勿遺於曹緒無求冠玉無采雕蟲當  
思取實之方必有酌中之道爾其盡慮以率至公

增狀宋周必大辭免禮部尚書兼翰苑奏狀曰竊惟掌  
禮代言班高選遴國初陶穀雖嘗兼領然宗伯猶是階



官未率屬也元祐中獨蘇軾學問文章稱此兩職然亦先後迭居不聞並命自紹興至於乾道沈與求孫近胡交修楊椿汪應辰俱是六卿祇帶兼權學士有以見名器之重不輕畀付如此

增表宋周必大謝除禮部侍郎表曰惟宗伯古之清曹惟貳卿今之膴仕禮樂自天子出雖上稟於聖謨邊豆則有司存當俯求於故實夫何鄙朴而許攝承夙夜直哉惟清莫遂夔龍之遜文章煥焉可述更慙乘馬之工

增記宋洪邁禮部長貳壁記曰元豐定官制歸天下萬務於文昌曹分賦職頗采用周官唐六典尚書品第二侍郎品第三皆法從屬車間朝廷所以尊榮之甚寵由是得政者鴈行立然要為具員吏朝日而坐出曹弊治不過操牘視成振之以章程柅之以挈比思慮索於凡案此其勢不能得施置自便獨宗伯不其然間平時繩墨會要疑亦王官之一守有日天子舉遺典禮大朝聘大慶賀與天地宗廟典策秩享之事衆史贅聚閣筆詞

不占措乃雍容風議斟酌故實援之古可驗揆之今可行者繫吾啟為之非特規守成法視故府鐘鼓玉帛周章有司之後而已則上所選置正用第一品亦其理宜

禮部郎中一

員外郎附

原杜氏通典曰禮部郎中按周官春官肆師下大夫亦頗同今任魏尚書有儀曹郎掌吉凶禮制歷代多有在例

吏部

宋齊儀曹屬祠部

梁書武帝謂徐勉曰今帝業初構須一人有學藝解朝儀者為

尚書儀曹郎勉曰孔休源識具清通詳練故事後周依自晉宋起居注誦略上口上悅遂拜為儀曹郎

周官隋初為禮部侍郎煬帝除侍字又改為儀曹郎武

德初改為禮部郎中龍朔二年改為司禮大夫咸亨初

復舊其後曹改而官不易掌禮樂學校儀式制度衣冠  
符印表疏冊命祥瑞鋪設喪葬賙賻及官人等 員外

郎 周禮肆師上士後周依焉至隋文帝置禮部員外

郎煬帝改為儀曹承務郎武德三年復舊其後曹改而

官不改 增文獻通考曰宋郎中參預禮樂祭祀朝會

宴享學校貢舉之事有所損益則審訂以次咨決凡慶

賀若謝掌撰文與祠部主客膳部並列為四建炎四年并省郎曹禮部領主客祠部領膳部隆興初復詔禮部祠部一員兼領自是并行四司之事矣 續文獻通考曰遼南面禮部郎中員外郎並同吏部 金禮部郎中一員員外郎一員主事二員 元禮部郎中二員員外郎六員主事二員 明禮部儀制清吏司掌禮文宗封學校科貢之事以贊尚書郎中一人員外一人主事二人

禮部郎中二

增南史曰孔休源除尚書儀曹郎每建議訪問前事休源即以所誦記隨機斷決曾無凝滯吏部任昉嘗謂之孔獨誦南齊書曰孔暹字世遠為尚書儀曹郎屢箴闕禮多見信納上謂王儉曰孔暹真所謂儀曹不忝厥職也石林燕語曰舊大朝會慶賀及春秋謝賜衣請上聽政之類宰相率百官奉表皆禮部郎官之職大觀以後朝廷慶賀事多非常例郎官不能得其意蔡京乃

命中書舍人雜為之比又不欲有所去取於是間參取  
首尾或摘其一二聯次比成之當時謂之集句表禮部  
所撰惟春秋兩謝賜衣表而已 言行錄曰劉敞字原  
父天子將親大袷於太廟丞相欲加上尊號公以禮部  
兼領名表丞相請撰表公說止之遂上疏章凡四天子  
得公奏曰我意本謂當如此遂斷章表不受 金史曰  
知登聞檢院王震改禮部郎中世宗諭宰臣曰此除未  
允人望禮官當選有學術士如張汝霖者可也於是命

汝霖兼之而除震別職

以上郎中

錄異記曰唐劉禹錫為

禮部員外郎方與日者從容段文昌適入謁既去日者

謂禹錫曰員外須待十年之後此客入相方轉正曹郎

耳自是禹錫失意連授外官十餘年文昌入相方除禹

錫禮部郎中唐許孟容德宗詔為禮部員外郎有公

主之子請補弘文館諸生孟容舉令式不許公主訴於

上命中使問狀孟容執奏竟得遷本部郎中宋周平

園集李文簡公燾除禮部員外郎時中興祭典未備公



上言嶽鎮海瀆先農先蠶風雨雷師九祀乃以酒脯代  
牲牢雨暘失節郡國水災未必不由於此詔許復舊

呂東萊文集王居正字剛中紹興元年除禮部員外郎  
上將祀明堂公立議請合祭天地奉太祖太宗配詔禮  
部議定又撫州守臣言甘露降畫圖以聞公請却其圖  
勿納臺臣因劾守奪其州 金史王競字無競天眷中  
遷禮部員外郎時海陵當國政由己出欲令百官避堂  
諱競言人臣無公諱遂止 蕭仲恭以太傅領三省事

封王欲援遼故事親王用紫羅傘事下禮部競與郎中  
翟永固明言其非是事竟不行海陵由是重之以上員外郎

禮部郎中三

增小儀

名表

尚書故實曰杜牧頃於宰執求小儀不  
遂石林燕語曰禮部郎中元豐中制

行謂之名表郎郎官  
別有印曰名表郎印

清通

峭鯁

上見前一通典注  
唐書曰李翱字

習之為禮部郎中性峭鯁論議無  
所屈見宰相李逢吉面斥其過

有學藝 真儀曹

上見通典注  
見二南齊書

下

議俎豆

掌絲綸

曲阜集行上官  
均制俎豆之議

著為典常歲奏之文傳為口實秩清任重時儒所貴不  
次之擢多此途出春明退朝錄曰禮部郎中百日内

須知制誥故王元之與宋給事詩須知百日掌絲綸

周禮大夫 南宮舍人

見上

通典 王翬聞見錄曰禮部郎中掌省中文翰謂之南宮舍人宋神宗與宰執議更官制至禮部郎中曰此南

宮舍人非他曹比可除劉摯

辭章自名

奏議詳雅

唐書曰薛稷字嗣通為禮

部郎中以辭章自名韓退之為王宏中墓碑云在禮部奏議詳雅省中服其能

專委大儀

詳練故事

南史曰劉杳字士深博綜羣書沈約任昉以下每有遺忘皆訪問焉累遷尚書儀曹

郎僕射徐勉以臺閣大儀專委杳焉下見前通典

賜筆禮闈 裁書南閣

出上

張賈下出常衮制

舉儀制辨名數

訂禮文職牋奏

六典郎中員外

郎所掌佐尚書侍郎舉其儀制而辨其名數曲阜集除鄧忠臣制曰儀曹郎參訂禮文兼職牋奏非富儒學

未易處也

以上郎中

清廟器

瑞錦窠

唐李珣字待價為殿中侍御史宰相韋處

厚曰清廟之器豈擊搏才乎除禮部員外郎唐舊說禮部員外郎為瑞錦窠

崔澹名德

子厚文章

唐書曰崔澹舉止秀峙時人謂玉而冠者為禮部員外郎當時士大夫以流品相尚推名

德者以澹為首劉禹錫柳文序子厚以文章稱首入為尚書禮部員外郎

送新圖

汲

修綆

唐舊說員外郎廳有大石諸州府納廢印皆于石上碎之又圖寫祥瑞員外郎掌令狐楚詩移石幾

回敬廢印開箱何處送新圖黃山谷詩惟此禮部公寒泉甃舊井議此久羸瓶名還汲修綆謂東坡也

稱誦名表

損益儀物

樓攻媿集汪大猷字仲嘉除禮部員外郎南宮名表一出士林

稱誦之

續會要宋朝禮部郎中及員外郎凡講論制度損益儀物則審覆有司所上之狀以次諮決而質於

尚書省 以  
上員外郎

禮部郎中四

增詩唐鄭谷寄同年趙郎中詩曰仙步徐徐整羽衣小  
儀澄淡轉中儀樺飄紅燭趨朝路蘭縱清香宿省時彩  
筆煙霞供不足綸闈鸞鳳訝來遲自憐孤宦誰相念禱  
祝空吟一首詩 又春夕伴同年禮部員外直省詩曰  
錦帳名郎重錦科清宵寓直縱吟哦水含玉鏡春寒在  
粉傳仙闈月色多視草即應歸屬望握蘭知道暫經過

流鶯百轉和殘漏猶把芳樽藉露莎

增制唐蘇頲授彭景直禮部郎中制曰具官彭景直通  
理內融含輝外靜文尚典雅學窮精博故能容臺是則  
仙闥咸推俾即真於滿歲更惟允於卿月 白居易授  
張元夫禮部員外郎制曰具官張元夫官有秩清而選  
妙者其儀曹員外郎之謂乎凡殿內御史雖文才秀出  
功課高等者滿歲而授猶曰美遷有如元夫連膺二選  
歷彼踐此僉以為宜況怒飛青冥翔集禁陛由茲去者

十八九焉汝知之乎思有以稱 薛廷珪授徐彥樞禮部員外郎制曰具官徐彥樞文昌列曹代稱清署宗伯之重時難厥官其在外郎選擇尤重率多虛位以待當才聞爾澹以立身謙而履道情田萬頃瑤林將玉樹森羅文律九成調露與承雲交奏動必由禮人無間言是用聽彼羣情懋茲劇選斯文重振資爾之嘉謀時政有疑佇爾之謹論勉臨厥職紹乃家風

增誥宋王震授蘇軾禮部郎中誥曰爾議論文章卓然

名世而失職浸久所學未伸今茲命爾為郎以待不次之選孔子曰如或知爾則何以哉維爾之才不患無位增記宋洪邁禮部郎官廳壁記曰均之為郎然二十四司冷熱劇異不得同日語中興時捐不急之官省郎七員以主客合於禮部號為兩曹而所掌不過牋削印瑞郊廟禮文與士子科舉事日所程判其多不能以百天明省門開繇大丞相以下畢入聽事吾同舍郎南典選北理財文書鱗午吏四繞不少置獨儀曹之廷可設翳



網予方理蠹簡呻呬畢作書生事業倦則偃一榻上遲  
食時矍起摩睡眠以出卒食舒舒而行伺丞相上馬已  
即去至無毫毛可用以為勤以白長官者其官同祿之  
入又同而勞逸相絕顧如此顏之不厚難矣哉 又黃

疇若禮部郎官廳記曰惟禮部有儀曹郎蓋古春官之  
屬魏齊及唐多選名士典領雖不治文書比他曹為閒  
暇然極其至要則協禮樂以贊宗伯治神人以和上下  
至於事筆硯於其間者亦必廉悍俊拔如柳宗元劉禹

錫輩乃稱是豈細事思厥艱大反不若縱橫計財甲乙  
論刑之為易易耳故廣前志之未盡冀方來之知勉使  
牽聯詩書業履光大以對於前聞人顧不偉歟毋徒措  
睡睫曰丞相上馬去吾事畢矣

祠部郎中一

員外郎附

原杜氏通典曰祠部郎中按魏尚書有祠部郎歷代皆  
有主禮制後魏裴修為中大夫兼祠部曹祠部曹主禮  
樂每有疑議修撰斟酌故實咸有條貫後周有典祠中

大夫隋初為侍郎煬帝除侍字武德加中字龍朔二年  
改為司裡大夫咸亨元年復舊延載元年五月制天下  
僧尼隸祠部十一年改祠部為職祠至德初復舊掌祠  
祀天文漏刻國忌廟諱卜祝醫藥等及僧尼簿籍自天  
寶六載及至德三年常置祠部使以他官為之 員外

郎改置與戶部員外郎同 增南史賀德基世傳禮學  
祖文發父淹至德基三世為祠部郎德基於禮記稱為  
精明 職類曰許允之字之奇才應禮樂擢為祠部郎

唐省中語後行祠屯不博中行都門 文獻通考曰

宋祠部掌諸州宮觀僧尼道士童行住持教門事務祠  
祭奉安祈禱神廟加封賜額並屬之醫官磨勘醫生試  
補校其事而予奪之 國史趙彥若遷祠部員外郎先  
是宗廟薦新中秋用茭萌不經易以蒲白彥若曰蒲春  
始生可食秋則過時不可以薦乃據引經傳改為春薦  
神宗實錄陳襄字述古判尚書祠部時譯經僧法護  
遺表度十僧趙槩奏列於朝三年度道士襄皆執奏不

行 紹興正論胡寧文定之子遷祠部郎與秦檜議論不合時熺為樞密檜問兒子近除如何寧曰外議以公相必不襲蔡京之迹也檜怒以言章罷 事文類聚曰元無專曹官以令史分名頭掌之 續文獻通考曰明禮部祠祭清吏司掌祭享獻薦天文國卹廟諱術藝道佛之事以贊尚書郎中一人員外郎一人主事二人

### 祠部郎中二

增永廳

裡曹

因話錄曰祠部呼為永廳言其清且冷也永去聲

胡文恭行曹旭贈官制追

建禮之  
裡曹

# 言明堂立太廟

魏志曰徐邈為祠部郎中言南北郊及論明堂宗廟

毀建皆有證據

職類曰晉改立太廟摯虞為祠部郎職其事

## 損益儀禮

## 斟酌故

### 實

梁書曰周捨博學精義理梁武帝召拜祠部郎損益儀禮多自捨出翰苑新書曰後魏裴修兼祠部曹

每有疑議修撰斟酌咸有故實以上郎中

## 論樂舞非古

## 以薦士為任

陳書曰姚察為尚書祠部員外舊魏王肅奏祀天地設宮懸樂八佾舞至梁武帝以為祀神禮宜簡古無宮懸之文宣帝欲備樂以梁武為非碩學咸希旨察博引經籍據梁樂為是當時莫不慙服韓愈與祠部陸員外書執事好賢樂善孜孜以薦進良士為己任方今天下一人而已

## 當官不撓

## 召對

### 稱旨

唐崔沔傳沔為祠部員外郎為人舒緩調於造次當官正色未嘗沮撓長編曰葉夢得字少蘊為

祠部員外郎召對稱旨上喜因問在部幾時對曰將及二年上曰如是久乎朕當不次擢卿後數日遂除起居

郎以上  
員外郎

增制唐賈至授王與祠部郎中兼侍御史制曰具官王與藏器於身策名清列多材多藝知微知章歷茲艱難屢有籌畫宜兼臺省之任仍總師戎之後宋富弼子紹庭除祠部員外制云惟爾先正相予祖宗爾少長義方習以成性詩不云乎惟其有之是以似之朕亦何愛典祠之清選而命汝陟焉以勸夫孝於親者往其欽哉

膳部郎中

員外郎附

原杜氏通典曰膳部郎中按周官即膳夫凌人二職也  
晉尚書有左士右士曹後魏都官尚書管左士郎北齊  
改左士為膳部郎掌侍官百司禮食餽饌屬都官尚書  
後周有膳部大夫一人亦掌飲食屬大冢宰隋膳部屬  
祠部初置侍郎煬帝除侍字武德中加中字龍朔二年  
改為司膳大夫咸亨初復舊天寶十一年又改膳部為  
司膳至德初復舊掌飲膳藏冰及食料 員外郎改置



與戶部員外郎同 增五代史後唐膳部郎中鄭玠先  
奏諸司諸使職掌人吏乘暖坐帶銀魚席帽輕衣肥馬  
參雜廷臣尊卑無別汙染時風請下禁止上嘉其事促  
行之中書屢為不可趙鳳亟言於執政曰此禮誠人不  
可不切為權吏所庇竟寢其事 文獻通考曰宋膳部

掌祠祀奏告牲牢禮料及宴設酒食果實之事收冰藏  
冰賜冰以時無闕事御厨翰林司牛羊司隸焉 翰苑  
新書曰建炎三年詔祠部郎官一員兼膳部郎中 續

文獻通考曰明精膳清吏司掌宴饗牲豆酒膳之事以  
贊尚書郎中一人員外郎一人主事二人 獻徵錄曰  
唐禎為禮部精膳司郎中精膳主天下貢茶至者必先  
呈樣樣者其名實則私餽所從來久矣禎至飭門者正  
供外無得入流風一清 又曰林鴻字子羽擢膳部員  
外郎太祖臨軒試龍池春曉孤鴈二詩一日名動京師  
又曰臧應奎改禮部精膳司嘗進用人用言二事世  
宗嘉納之

增制唐蘇頲授鄭博雅膳部郎中制曰具官鄭博雅志  
業融暢襟靈間遠備聞前言嘗習故事來游博望既聞  
清道之華入奏明光宜副丹墀之寵白居易授李德  
修膳部員外郎制曰尚書左曹郎自奏議彌綸外凡邦  
之牲豆之品醴膳之數實糾理之今文昌長佐一作洎春  
官卿以朝散大夫守祕書丞李德修籍訓於台庭業官  
於書府揆才考第得補為郎司膳缺員爾宜專掌

主客郎中

員外郎附

原杜氏通典曰主客郎中按漢成帝初置尚書有客曹  
主外國裔翟後光武分改為南主客北主客二曹至魏  
亦為南主客事晉氏分為左右南北四主客或單為客  
曹宋齊梁陳單有主客後魏吏部管南主客祠部管左  
主客北齊改左主客為主爵南主客為主客隋初為侍  
郎煬帝除侍字尋又改為司籍郎武德初改為主客郎  
中龍朔二年又改主客為司藩咸亨二年復舊掌二王  
後又典諸藩朝聘員外郎改置與戶部員外郎同

增後漢書曰何遜少有美望公府中十辟一無所就由

是名重華夏起家為尚書主客郎 山堂肆考曰後魏

李綽為尚書南主客郎前後接對凡十八人頗為稱職

又曰魏收為主客郎時梁徐陵為散騎常侍使魏魏

人授館宴賓是日甚熱魏收嘲陵曰今日之熱由徐常

侍來陵即荅曰昔王肅至此故魏始制禮儀今我來聘

使卿復知寒暑收大慙齊文襄為相以收失言囚之數

日 南史曰庾杲之為主客郎時魏使至問杲之百姓

為何家家題門帖賣宅呆之荅曰朝廷欲埽蕩京洛克

復神州所以家家賣宅魏使縮鼻而不能荅 梁范胥

為國子博士有口辯嘗兼主客郎應接北使 齊春秋

匈奴使李道固至詔使主客郎范岫接對道固美其醞

藉 文獻通考曰宋主客掌諸藩朝貢宴設賜予之事

翰苑新書曰建炎三年詔禮部郎中一員兼主客

事文類聚曰元令史分掌名頭四方使客隸於禮部

續文獻通考曰明主客清吏司掌華彝朝貢往來宴賜

之事以贊尚書郎中一人員外郎一人主事二人提督  
四彝館主客主事一人 獻徵錄曰楊俊民字伯章世

宗時調禮部主客郎有詔賜戚里黃門趣公宣給公曰  
此內賜也宜於迎和門頒之非禮官所得與上是其言  
增制唐劉禹錫授主客郎中制曰漢制尚書郎四人一  
人主營部成帝又署客曹主外國戎翟事皆今主客之  
任也其後或東西列職左右分名統彼行人之家綏其  
外臣之務朝聘則定位宴會則辨儀穆我四門深於九

譯用委藁街之政克資粉署之賢 孫逖授章仇兼瓊  
主客員外郎制曰具官某雅有堅操常懷遠圖義不辭  
勞忠能盡節頃逾砂磧能正糾繩興國利於懸車振朝  
威於絕漠甄其績用宜遷禮閣之榮寄以澄清仍受憲  
臣之任

御定淵鑑類函卷七十九



欽定四庫全書薈要卷一萬一千五百二十八

子部

御定淵鑑類函卷八十

設官部二十

兵部尚書

侍郎附

兵部郎中

職方郎中

員外郎附

庫部郎中

員外郎附

駕部郎中

員外郎附

兵部尚書一

侍郎附

原杜氏通典曰周禮夏官大司馬之職掌以九伐之法

正邦國制軍誥禁以糾邦國領校人牧師職方司兵之

屬即今兵部之任也魏置五兵尚書

周官有司兵掌五兵五盾各辨其物

與其等以待軍事五兵之名當出於此  
鄭司農云五兵者戈殳戟酋矛矜矛也  
五兵謂中兵外

兵騎兵別兵都兵也晉初無太康中乃有五兵尚書而

又分中兵外兵各為左右

按晉雖分中兵外兵為左右與舊五兵為七曹然尚書惟

置五兵而已無七兵尚書之名至後魏始有七兵尚書耳今諸家著述或謂晉太康中置七兵尚書誤矣  
宋

五兵尚書惟領中兵外兵二曹餘則無矣齊梁陳皆有

之後魏為七兵尚書北齊為五兵統左中兵

掌諸都督告身諸宿

衛官右中兵

掌畿內丁帳事諸兵力士

左外兵

掌河南及潼關以東諸州丁帳及發台諸兵

右外兵

掌河北及潼關以西諸州所典與左外兵同

都兵

掌鼓吹大樂部小兵等事

五曹

後周置大司馬其屬又有兵部中大夫小兵部下大夫

其職並闕至隋乃有兵部尚書統兵部職方駕部庫部

四曹蓋因後周兵部之名兼前代五兵之職唐龍朔二

年改兵部尚書為司戎太常伯咸亨元年復舊光宅初

改為夏官神龍元年復舊天寶十一年改為武官至德

初復舊掌武官選舉總判兵部職方駕部庫部事其分

領選舉亦為三銓制如吏部

尚書所掌謂之尚書銓侍郎所掌其一為中銓其一

為西銓銓各有印

增文獻通考曰宋兵部判部事一人凡籍

武官軍師卒戎之政令悉歸於樞密院其選授小者又歸三班本曹但掌三駕儀仗鹵簿字圖釋奠武成王廟及武舉事歲終以義勇兵箭手寨兵之數上於朝元豐更制惟民兵馬政權隸樞密院武官銓選并歸吏部五年詔應緣義勇保甲事並隸樞密院其餘民兵悉隸兵部以什伍之法教民為兵以選舉之法試武士以鹵簿字圖分布儀衛以郡縣之圖周知地域凡廂軍蕃兵剌員及金吾街仗司人兵稽其數而振飭其藝大將出征

告捷於廟破賊露布以聞臣僚之家宣借兵級與夫蕃  
彛屬戶授官封襲之事皆掌之建炎三年并衛尉寺隸  
馬分案十曰賞功曰民兵衛曰廂兵曰人從看詳曰帳  
籍告身曰武舉曰蕃官曰開拆曰知雜曰檢法 續文  
獻通考曰遼北面有北樞密院掌兵機武銓羣牧之政  
視兵部南面兵部尚書下侍郎郎中員外並同吏部  
金兵部尚書一員正三品掌兵籍軍器城隍鎮戍廐牧  
鋪驛車輅儀仗郡國圖志險阻障塞遠人歸化之事

元制兵部尚書三員正三品掌天下郡邑郵驛屯牧之政令凡城池廢置之故山川險易之圖兵站屯田之籍遠方歸化之人官私芻牧之地駝馬牛羊鷹隼羽毛皮革之徵驛乘郵運祇應公廨卑隸之制悉以任之世祖中統元年以兵刑工為右三部置尚書二員總領三部事至元元年別置工部以兵刑自為一部二十三年定尚書以二員為額明初沿唐宋之制設兵部尚書侍郎之職掌天下軍衛武官選授之政令仍屬中書省

洪武十三年革中書省陞六部每部分四子部兵部其屬有四曰司馬曰職方曰駕部曰庫部二十九年司馬為武選駕部為車駕庫部為武庫職方仍舊俱稱清吏永為定制大征伐大簡練武官勲祿品命圖志鎮戍烽堠鑾輿車乘傳驛廐牧戎器儀仗之庶務靡有不統兵部改置北京肇自永樂辛丑其提督團營初總於世勲宿將自土木之變命兵部尚書于謙不妨部事統督軍務嗣後歷年提督不同俱以尚書不妨部事提督矣

原杜氏通典曰侍郎隋煬帝置唐因之龍朔二年改為  
司戎少常伯咸亨元年復舊他時曹名或改而官不易  
舊制一員總章元年加一員掌署武職武勲官三衛及  
兵士以上簿書朝集祿賜假使差發配親士帳內考覈  
及給武職告身 增文獻通考曰宋南渡後長貳互置  
續侍郎二員隆興常置一員 續文獻通考曰遼南面  
兵部侍郎同吏部 金兵部侍郎一員正四品 元至  
治三年增侍郎二員品秩與吏部同 明兵部左右侍



郎各一人嘉靖二十九年俺答犯京師改王邦瑞為兵部左侍郎協理戎政專一操練遂定為常制

### 兵部尚書二

增職林曰尚書大司馬亦曰夏卿 職儀曰睢鳩氏司

馬也 釋名曰周成王時畢公為三公兼領司馬之職

北齊元景安遷七兵尚書時初築長城鎮戍未立詔

景安與諸將緣塞以備守督領既多且所部軍人富於財物遂貨賄公行文宣遣使推案惟景安纖毫無犯帝

以所斂贓賄賜之以彰清節 宋中興繫年錄曰兵部尚書王庶論制敵之道在於民昔周文王問太公以為國之道太公曰愛民而已兵書無不本諸愛民者上歎曰大臣才也遂拜樞密副使 獻徵錄曰明唐鐸除兵部尚書上嘗稱之曰鐸自友廷臣至今三十餘載其人交不知變節絕不出惡聲其見恩遇如此 又曰劉大夏為兵部尚書受知孝宗每朝罷傳宣循御陛而上面與商榷時事雖公輔貴近有不預聞者嘗召對自旦至

午憊不能行命司禮太監李榮扶掖而出 又曰張悅  
字定菴改南兵部尚書參贊機務恩威並行將帥悅從  
嘗謂人曰古之聖賢凡所欲為至公無私故其事業光  
明俊偉今之人去古遠矣竭其公忠猶恐不至况復濟  
以私乎或有言善讀書不善作官者公笑曰此正不善  
讀書耳 又曰王繼字述之弘治間改南兵部尚書中  
貴李廣以左道見寵任權傾中外大臣競賄結之多驟  
遷樞要者公獨不與之通戊午廣懼罪飲藥死科道官

劾論交通大臣某某上憫其人衆悉宥之翼日早朝空班謝罪惟公與兵書鈞陽馬公弗預垂紳屹立無忤色

以上尚書

六典曰兵部侍郎夏官小司馬中大夫之任也續會要曰尚書掌武舉地圖車輦甲械之政令而侍

郎為之貳唐書曰盧承慶遷民部侍郎太宗尋令檢校兵部侍郎仍知五品選事承慶辭曰選事職在尚書臣今掌之便是越局太宗不許曰朕今信卿卿何不自信也又曰韓皐資質厚重有大臣器為兵部侍郎號

為稱職 宋周益公集曰李文敏公邴召為兵部侍郎

時苗劉反露刃宮門上登樓撫諭公亟趨前叱苗劉等  
兇醜稍息公扣宰相朱勝非問計策傳等皆在公反覆  
辯詰人為公危公無懼色太后垂簾勝非奏曰自變故  
以來能助朝廷者惟李邴鄭穀乃除公翰林學士上親  
賜札略曰卿毅然正辭氣折羣醜萬衆動色具臣醜顏  
獻徵錄曰明寇天叙字子惇改兵部侍郎朝野屬望  
時有言官繫獄問重辟者一大臣欲疏救謀於天叙天

叙曰祇成君子名耳不能救彼也其人問故答曰須同  
諸法司請於當路者使恩出於上則可從之言官果得  
緩誅 又曰陶諧字世和起貳本兵日夕考求職方險  
要諸將勇怯思欲頓刷九邊之弊及會議朝事侃侃必  
竭盡所見以習尚浮靡大異弘治時每形慨歎人稱為

古君子

以上  
侍郎

兵部尚書三

增圻父

夏官

周書云圻父薄違農父若保宏父定辟  
注云圻父政官司馬也 下詳前一通

典

西曹

南省

文苑英華云崔融字安成齊州人有吏部兵部選人議伏望詔東西二曹

兩都分簡東謂吏部西謂兵部也唐書曰李輔國為兵部尚書南省視事使武士戎裝夾道

統六

師

掌九伐

周官司馬掌邦政統六師平邦國周禮大司馬以九伐之法正邦國

以三

公領

為宰相兼

上見二釋名下姚崇事

清以奉國

忠於事

君

山堂肆考曰唐屈突通為兵部尚書從秦王平薛仁果時賊珍寶山積諸將爭取之通獨無所取帝聞之

曰清以奉國名定不虛特賚金錢六百兩綵十段又僖宗時杜羣懿為兵部尚書朱玫兵逼乘輿帝走寶雞是時棧道為山南石君涉所毀天子間關險阻羣懿從之未嘗暫去側帝勞曰卿蓋古所謂忠於所事者耶

事皆暗記

知無不言

唐書曰姚崇三為宰相兼兵部尚書屯戍斥堠士馬儲械

無不暗記

宋朱文公撰黃端明碑云黃中謚簡肅為

兵部尚書兼侍讀每當入直上常先遣人候視至則亟

召入坐語從容月必

願寬逐臣可屬大事

唐職林云王起

一再見公知無不言

字舉之為兵部尚書文宗數訪以時政起因積雨願寬

逐臣獻徵錄曰明載金字純夫陞兵部尚書首陳安

攘大計十二事上省覽嘉悅謂

自得岐路惟飲江

戴尚書可屬大事命斟酌舉行

水唐職林云朱淮為兵部尚書自得岐路必當大用封

年懇辭機務得允歸途送者填塞或相聚

輒稱曰公惟飲江水去耳惜乎不可挽焉

于謙機敏獻徵錄曰明韓邦奇字汝平正德間累陞

兵部尚書性剛直尚節舉端潔方正人不

敢干以私威望稜稜又于謙為兵部尚書時立春日

正值交泰節眾議以先行慶賀然後迎春或以迎春而

正



後慶賀俱未定議俄而謙至衆質之謙曰迎春宜先衆  
曰何據曰不見春王正月春加王上宜先迎春衆是之  
其機敏一時無出  
其右以上尚書

### 奏四事

### 獻三經

言行錄曰宋周

侍郎首奏四事曰重侍從增臺諫擇監司郡守上曰皆

今日要務也獻徵錄曰胡世寧起兵部侍郎前謫遼

東熟知京東一帶利病進備邊二十五事復憂時事獻

三經講議引大學秦誓好惡之章以戒媚嫉尚書惟辟

作福之章以重威福易大傳不出

戶庭之章以慎幾微辭多中羣忌

### 召詢時政入守

### 內職

唐書曰韋澳遷兵部侍郎與同僚蕭寔深為宣宗

所遇每二人同直無不召見詢訪時事凡有邦國

刑政大事中使傳宣草詞澳心欲論諫即曰此一事須

降御札方敢施行遲留至旦必論其可否上多從之

韓愈上兵部李侍郎書云閣下今者入守內職為朝廷

大臣當天子新即位汲汲於理化之日出言舉事宜必

施設既有聽之之明又有振之之力寧戚之歌  
歌明之言不發於左右則後而失其時矣

獨對三

留入奏八事

唐書曰蔣仲為兵部侍郎宣宗雅愛信之每見必咨天下得失仲三起三留曰

他日不復獨對卿矣仲不喻未幾以本官同平章事東都事略宋許將入為兵部侍郎條奏八事以為兵之

事有三曰禁兵曰廂兵曰民兵馬之事有三曰養馬曰市馬曰牧馬兵器之事有二曰繕作曰給用願

佐司馬還貳圻父

東萊集曰王居正遷兵部侍郎兼直學士院公辭曰臣愚不足以集

二事願盡力佐司馬不受直院曲阜除陳垣制云六卿之亞皆高選也夏官實主武事還貳圻父用均兩勞

侍郎以上

兵部尚書四

增以槐易榆

山堂肆考曰唐吳湊為京兆尹以其能政兼兵部尚書先是街槐皆榆後街樹缺所

司植榆以補之湊曰榆非九衢之玩亟命易之以槐及槐陰成而湊卒人指樹而懷之

恭守戎

曹

許公集云恭守戎曹訓齊武部簡稽之務軍國是殷

夏官古卿

歐陽公謝表云云

奏停參辭

唐書曰諸道新授方鎮節度使等執弓弩帶器仗就尚書省兵部參辭令狐楚奏云軍國

異容古今定制事不由舊斯為改常未聞省閣之門忽納弓刀之器如須參謝即具公服上從之

疏

劾衝突

言行錄曰上祀南郊蘇軾以兵部尚書為鹵簿使上因太廟宿齋行禮畢特至青城忽有謁傘

犛車并青蓋犛車百餘乘衝突而來公呼御營巡檢使立車前曰西來誰何敢爾亂行曰皇后并某國太夫人某大長公主也公即於青城上疏劾之明日使傳命申敕有司嚴禁仗衛

免農器錢

遼史曰耶

律隆運總二樞府事以南京平州歲不登奏

下令逐

免百姓農器錢及清平諸郡商賈饋從之

安禪

人張潔字仲湜轉兵部尚書條上時務八事多報可守備廳故有審事官甚貪橫潔奏革之仍著為

令人大稱快四方遊僧多贅聚梵剎名曰安禪主之者皆貴豪也潔曰是將惑衆且蠹財下令逐之即日散去

窮張不用銀器

又張本字致中為兵部尚書直諒通敏持身廉介有大臣風成祖嘗宴

臣各設銀器一案因以賜之惟本坐案皆設陶器諭曰卿號窮張銀器不知用也本頓首謝以上尚書

夏卿之亞

唐張九齡為裴光庭碑云兵部侍郎圻父之貳夏卿之亞

佐平邦國

集白

柳公綽兵部侍郎制云惟茲夏官實掌戎政

入參機

簡稽調補今方其時司馬貳卿佐平邦同

務

翰苑新書曰太宗以楊弘禮有文武才擢為兵部侍郎入參機務出統衆攻戰太宗曰越公兒郎故有家

風

綽繼門風

舊唐書曰盧元輔字子望杞子也為兵部侍郎元輔自祖至曾以名節著於史

冊元輔簡潔貞方綽繼門風歷踐清貴人亦不以父之醜行為累人士歸美

條上邊事

與中

繫年錄云宋兵部侍郎張燾力詆拜詔之議秦檜患之燾託疾在告檜使樓昺諭之曰北庭關人上欲以公為直院宜早出燾大駭曰愈不敢出矣若使我草國書豈能曲徇意旨哉燾嘗思之不過一去檜不能奪遂止

手畫形勢

北盟會編云宋王敏節公庶為兵部侍郎對便殿口陳手畫秦隴形勢利害上大嘉

即日遷兵部尚書

兩熊夾一馬

獻徵錄曰明熊紳字鵬霄孝宗朝改兵部侍郎時大司馬

即馬文貞公而侍郎有左熊右熊紳為左熊京輦有兩熊夾一馬天下太平之謠孝宗呼為熊鬚子而不名

以上

侍郎

兵部尚書五

增詩唐包佶酬兵部李侍郎晚過東廳之作曰酒禮慙  
先祭刑書已曠官詔馳黃紙速身在絳紗安聖位登堂  
靜生徒跪席寒庭槐暫搖落幸為入春看

增箴明宣宗兵部箴曰部以兵名實古司馬詰是我兵  
以固華夏凡厥武臣疇過叙勲乘馬在圻考牧用蕃車  
駕輿服城戍郵驛守經制宜皆爾之職董之以卿承以  
衆僚簡畀惟賢庶其昭昭爾宜懋茲敬其朝夕顧諟勿

忘以熙庶績書有明訓儆戒無虞茲用教寧其可弗圖  
怠則隳政貪則亂法毋為泄泄毋為沓沓職所宜為式  
克慎修福祿攸集永孚於休思古良臣鞠躬盡瘁用是  
作箴以勵有位

增制唐蘇頲授張仁愿兵部尚書制曰具官張仁愿有  
將相之才樹忠公之績入稱三傑帷幄所以運籌出總  
六師塞垣由其卧鼓懸利器而御物自中於桑林推素  
心以得士更成於李徑泊養疾歸休辭榮及禮用旌渭

濱之兆空想潁陽之問乞言緊賴寵德攸宜佇增題劔  
之榮更遂揮金之樂 錢珣授陸扆兵部尚書制曰周  
之九法歷代用焉進賢興功以分厥職故夏官之重高  
位久虛則有嘗秉化權方臨邦教惟人之命我不敢私  
具官陸扆頃以宏博奉吾論思繼令祖之典謨去邪辭  
之枝葉洎當大用且屬多虞執政雖新犯顏已急我則  
有違蹇叔爾詎不如王陵剖竹遂行伏蒲未足還好爵  
而來惟辨色掩閒門而退乃韜光考之中庸有以自得



往次六卿之首無輕一等之遷進賢興功必在敦故

李嶠授唐奉一兵部侍郎制曰參貳百揆樞衡九法是  
司邦政尤切帝難具臣唐奉一字量深明襟懷雅正文  
場得雋翰苑推工瑣闥內朝致延譽之美珪符出守樹  
威恩之績永言禁暴事切安人俾升五戎之府佇諧九  
流之選 孫逖授李彭年兵部侍郎制曰敕具官李彭  
年清和稟識博雅為文堅貞懷匪石之心果斷有剗鐘  
之利夏卿之亞歲調方殷缺官而擇至公斯在宜副才

難之選將觀試可之能 白居易授柳公綽罷鹽鐵守

夏官兵部侍郎制曰敕具官柳公綽昔先皇帝知爾有才元和以來應用不暇及領榷筦漕運之務屬陵寢郊丘之禮財給事集時乃之功宜有轉移以均勞逸况聞牢籠無遺利課督有常規今詔刑部尚書播代之亦令守而弗失朕將興理化先務根本凡百職事悉歸有司惟茲夏官實掌戎政簡稽調補今方其時司馬貳卿佐平邦國是爾本職無忘增修

增表宋蘇軾拜兵部尚書謝表曰恭惟先帝復六卿之  
名本欲後人識三代之舊古今殊制間劇異宜武選隸  
於天官兵政總於樞府故司馬之職獨省文書蓋紀其  
實也今本曹所掌惟諸州廂軍名籍及每大禮別書寫  
蕃官加恩告雖有所轄司局如金吾街仗司騏驎車輅  
象院法物庫儀鸞司不過每季郎官一徃耳名存實亡  
一至於此

增記宋周必大兵部長貳題名記曰大小司馬著於周

官歷代沿革可考也本朝倣唐六典曰兵部凡民兵廂  
軍蕃兵剽員武舉投試武藝金吾衛司人兵及大將出  
征告廟破賊露布鹵簿字圖若蕃彞屬戶授官封之事  
皆主之曰職方凡天下地圖城隍堡塞烽堠之數蕃彞  
歸明內附之事皆主之曰駕部掌凡輦輅車乘廐牧雜  
蕃乘具傳驛之政令辨其出入之數曰庫部掌凡軍器  
儀仗鹵簿法式隨軍防城什物及凡供帳之事是為四  
司而其主判率用他官所謂長貳姑以寄祿而已尚書

今銀青光祿大夫也侍郎今正議大夫也位序既高非  
宰執侍從鮮能至故方任事時自揚乃職有如歸班猶  
弗敢替盡規之義名公鉅卿磊落相望抑有由也元豐  
肇新官制尚書從二品侍郎從三品實坐曹治事名稍  
正矣而武選隸天官兵政歸西府其職視唐猶簡況於  
成周乎雖然古號六卿今曰近臣使其告猷可以沃上  
心陳力可以大厥官則天下國家將陰受其賜烏在事  
之繁簡也

兵部郎中一

員外郎附

今武選司

原杜氏通典曰兵部郎中按歷代兵部曹皆有郎其尚書中或單為郎或置郎中

例在吏部郎中篇

隋初為兵部侍郎

煬帝除侍字改為兵部曹郎武德三年改為兵部郎中龍朔二年改為司戎大夫咸亨元年復舊掌與侍郎同

員外郎 增隋文帝置兵部員外郎煬帝改為兵曹

承務郎武德三年復舊其後曹改而官不易 職員令

云兵部郎中掌武職勲官二衙及兵士勲書朝集祿賜

假告差發武職告身之事 唐百官志兵部郎中二員

一員掌判帳及天下武官之階品衛府之名數一員掌判簿以總軍戎差遣之名數 唐職林兵部郎中周大司馬屬官軍司馬下大夫之任也亦曰中兵下大夫

文獻通考曰宋建炎三年詔兵部兼職方駕部兼庫部隆興初詔駕部兵部郎官共一員兼領自是四司合為一矣厥後間或並置若從軍或將命於外則假以為寵續文獻通考曰遼南面兵部郎中員外郎並同吏部

金兵部郎中一員從五品員外郎二員從六品主事

二員從七品 元兵部郎中二員員外郎二員主事二

員品秩與吏部同 元史趙孟頫授兵部郎中至元鈔

法滯澀不能行詔遣尚書劉宣與孟頫馳驛至江南問

行省丞相慢命之罪凡左右司官及諸路官則徑答之

孟頫受命而行比還不答一人 續文獻通考曰明兵

部武選清吏司郎中一人員外郎一人主事一人添設

武選郎中一人主事四人掌武官選陞襲替功賞之事



以贊尚書 獻徵錄曰陳愷字企元弘治中授武選主

事歷員外郎郎中武選固劇司怨叢勢軋愷一意奉公  
杜門自守蓋其任也久久則精而私弊盡絕其守也堅  
堅故一而私謁不行一時武選稱得人大司馬鈞陽馬  
公舉其屬謂愷可備方岳之任 又路迎字賓暘累至

兵部郎中與堂邑穆孔暉武城王道同師事王守仁專

務講學以相切磨

以上郎中

沈存中筆譚兵部員外郎范

祥請為鈔法令商人就邊郡入錢四貫八百售一鈔至

解池請鹽二百斤任其私賣得錢以實塞下省數十郡  
搬運之勞此即開中給引之始 獻徵錄明許論字默

齋以少從父襄毅公進兄莊敏公誥文簡公讚習知邊  
事及筮仕兵曹耳濡目染著為九邊圖論古未有也辛  
賢父子相繼將軍祭彤兄弟並參師律厥有自哉繪寫  
進呈上嘉納之付各邊行之

以上員  
外郎

### 兵部郎中二

增居外省 兼職方

元微之行楊嗣復制兵部郎中二  
員一在侍從一居外省 中興題

名記云建炎中省冗職以兵部郎中并兼職方司

公務修整

職事弛慢

唐書

曰裴光庭轉兵部郎中沉靜少言寡交遊既歷清要人未之許及在職公務修整衆皆歎服五代史曰梁蕭

愿宰相傾之子性淳謹承事父母未嘗不束帶而見然嗜酒無節職事弛慢嘗為兵部郎中掌告身印頗怠職

事父傾為吏部尚書代

奏決兵檄

增給驛鈔

翰苑新書

愿視郎篆其散率如此

曰唐姚崇為夏官郎中契丹擾河北兵檄叢集崇奏決

若流武后賢之拜侍郎元史曰趙孟頫至元中授兵

部郎中兵部總天下諸驛時使客飲食之費幾至十倍

於前吏無以供給強取於民不勝其擾遂請於中書增

鈔給

吏幹有稱

襲官無滯

合璧事類曰唐李愷驛歷兵部郎中愷有吏幹

之明於稽按甚有當官之稱

戲徵錄曰明李學詩三遷

至武選郎中每逢選日即謝人事竟日坐署中校其功

聞秋毫之奸無不燭照據有奸欺輒笞罵之曰若以我  
為何等郎撓吾法者立死矣故掌選數年曹掾見之凜  
凜而武吏以時襲官無  
所留滯以上郎中能益百姓分掌二人山堂肆考

曰唐魏徵薦杜正倫為兵部員外郎太宗勞之曰朕舉  
賢者非朕獨私以能益百姓也六典云兵部員外郎  
二人一人掌貢舉及雜請之事凡應舉之人有謀略才  
藝平射簡射皆待命以舉若州府歲貢皆勘貢文狀而  
引試焉一人掌選院謂之南選曹每歲選人有解狀簿  
書資歷考課必由之以覈其實乃上三銓進用則書焉

# 詳決功狀

## 條論互市

翰苑新書曰唐張嘉貞為兵部員外郎時功狀盈凡郎吏

不能決嘉貞為詳處不開旬而庭無稽牒獻徵錄曰  
明楊繼盛字仲芳遷兵部員外郎時咸寧侯仇鸞驟得  
兵政驕且畏敵請於二邊互市市馬仇鸞主之奉以中  
國幣帛議遣使公乃上疏條論其十不可五謬上壯之

仇鸞恍憤曰豎子目不知兵宜其易之乃密疏云云上意遂中變下公錦衣獄貶狄道典史以上員外郎

### 兵部郎中三

增制唐蘇頲授李懷讓兵部郎中制曰具官李懷讓直方在心清而轉勁通明應務吏必兼文故能譽滿簪纓望華臺署鵷鳩作主雖參聽棘之言司馬訓兵重踐握蘭之任元稹授蕭祐兵部郎中制曰佐夏官理邦國以平不若辨九法九伐之重輕稽五兵五楯之衆寡非踐更臺閣從容聞望者不在茲位流品既清選任彌重

具官蕭祐才行忠信達於予聞課吏陟明誕若攸職拾  
青紫於儒術擅金石之揮毫允謂賢能宜當慰薦賈  
至授敬羽武部員外郎兼殿中侍御史制曰敕某美才  
多適直道滅私通明可以斷疑貞固足以幹事自持風  
憲糾逃回邪不吐茹於剛柔有鷹鷂之搏擊與能褒美  
俾轉臺端載執謙光思弘讓節宜遂其懇志退守本官  
增記宋周必大兵部郎官題名記曰本朝除郎之路雖  
廣而其要有三館閣一也寺監丞二也監司郡守三也

近歲窒其二卿監或可徑至而郎非歷監司郡守不可  
得其不輕而重也較然矣司馬列屬四中興初僅嘗備  
官建炎三年夏始以駕兼庫以兵兼職方其選清故平  
居無事多處文學之臣其權重故從軍若將命則往往  
假以為寵此其大略也

職方郎中一

員外郎附 今職方司

原杜氏通典曰職方郎中按周禮夏官有職方氏掌天  
下之圖辨九州之國歷代無聞至後周依周官隋初有

職方侍郎煬帝除侍字武德中加中字龍朔二年改為  
司城大夫咸亨元年復舊掌地圖城隍鎮戍烽堠防人  
路程遠近歸化道渠 員外郎 周官夏官職方上士

後周依周官隋改置與戶部員外郎同 增翰苑新書

宋建炎三年并省冗職以兵部郎中兼職方 文獻通

考曰職方掌天下地圖以周知方域之廣及城隍堡寨  
烽堠之事蕃彞歸明內附之事 續文獻通考曰明兵

部職方清吏司郎中一人員外郎一人主事一人添設



職方郎中一人主事四人掌地圖軍制城隍鎮戍簡練  
征討關津之事以贊尚書

職方郎中二

增舊唐書曰韋溫字弘育姚勗知河陰縣嘗雪冤獄鹽  
鐵使崔琪奏加酬獎乃令權知職方員外郎制出令勗  
省上溫執奏曰國朝已來郎官最為清選不可以賞能  
吏上令中使宣諭言勗能官且放入省溫堅執不奉詔  
乃改勗檢校禮部郎中翌日帝謂楊嗣復曰韋溫不放

姚勗入省有故事否嗣復對曰韋溫志在銓擇清流然

姚勗士行無玷梁公崇之孫自殿中判鹽鐵案陛下獎

之宜也若人有吏能不入清流孰為陛下當煩劇者此

哀晉之風也獻徵錄明劉大夏調職方郎中舉用守

將有暮夜懷金謝之者却不受又明練於天下事所奏

覆多當上意大司馬倚之若左右手又臧應奎字賢

澈正德中授南兵部職方司時中官以進貢多索船利

私載縻金害民奎悉裁省又周鳴字岐鳳陞職方員

外郎時方清理軍籍職方多事人謂鳴儒者必不勝其煩及事至剖決無滯人始服其能又鄭曉字室甫授職方主事日就省中羅九朝故牘閱之凡天下阨塞士馬虛實強弱之數盡考覈而得其故大司馬金公素重曉屬之曰子好學幸為我著九邊圖公於是屬豪為撰次圖志三十卷士林爭傳之又楊大章字章之先改刑部主事公論殊不厭大章曰吾方憂職之不稱豈以刑部為少耶未幾雲中兵亂廷議選部僚有才望者副

給舍往大章乃改職方司主事台募兵勇布置悉當要  
害人皆稱之

增詩唐韋應物寄職方劉郎中詩曰相聞二十載不得  
展平生一夕南宮遇聊用寫中情端服光朝次羣列慕  
英聲歸來坐粉闥揮筆乃縱橫始陪文翰遊歡燕難久  
并予因謬忝出君為沈疾嬰別離寒暑過荏苒春草生  
故園茲日隔新禽池上鳴郡中永無事歸思徒自盈  
增制唐常袞授杜寂職方郎中制曰敕具官杜寂端一

其誠周通於事久於膳部頗有敏才亦既詳達不忘恭  
慎掌我方志宜從序遷賈至授李何忌職方員外郎  
制曰誥右補闕李何忌後進人物一時雋選或不承清  
緒多負美才或直言正詞有犯無隱或繡衣持斧擿伏  
擒姦或馳譽翰林文詞藻麗或知名吏道政事詳密在  
邦必達歷試有聞宜居駕鷺之列俾弘準繩之紀

庫部郎中一

員外郎附

今武庫司

原杜氏通典曰庫部郎中按周官有司甲掌戈盾弓矢

之長各辨其物以待軍事魏尚書有庫部郎晉因之宋

庫部主兵仗

文帝宴會顧琛說對兵仗見後事實

歷代或有或闕後魏北

齊庫部屬度支尚書掌凡戎仗器用後周有武藏中大

夫隋屬兵部初為庫部侍郎煬帝除侍字武德中加中

字龍朔二年改為司庫大夫咸亨初復舊天寶十一年

又改庫部為司庫至德初復舊掌軍器儀仗鹵簿法式

及乘輿等員外郎周官有司兵中士後周有小武

藏下大夫隋改置與戶部同增翰苑新書宋建炎三

年以駕部兼庫部 文獻通考曰庫部掌軍器儀仗鹵簿法式隨軍防城什物及凡供帳之事 續文獻通考曰明兵部武庫清吏司郎中一人員外郎一人主事一人添設武庫主事二人掌戎器符勘尺籍武學新隸之事以贊尚書

庫部郎中二

增南史顧琛字弘瑋遷尚書庫部郎元嘉七年文帝遣到彥之經略河南大敗悉委棄兵甲武庫為之空虛文

帝宴會有歸化人在坐上問琛庫中仗猶有幾許琛詭  
辭答有十萬人仗舊庫仗秘不言多少上既發問追悔  
失言及琛詭對上甚善之唐國史補省中語云中行  
刑戶不博前行駕庫天中記宋江智深元嘉末除庫  
部郎中時高流官序不為臺郎智深門孤援寡獨有此  
選意甚不悅固辭不拜獻徵錄明李昆字承裕武宗  
時陞兵部武庫司郎中一日吏檢庫中年久文卷獲一  
匣若貯金者漫無可稽吏密以白昆笑而不答乃會衆



啟視之有金四百餘兩即移付公帑 又王積字子崇

進武庫司郎中故所隸風馬船千餘艘以備上供物郊

廟香幣軍需甲仗者分屬諸衛每一船敝輒衛校士自

補破產者相望至有雉經溺水以徇長年二萬餘散攝

諸郡縣吏因緣為隱匿至者僅六千人船日以減耗公

既任武庫久熟計利弊十餘事上之部為言於朝始以

武庫餘羨水衡錢治船不以累衛校士而郡縣所隱匿

長年悉出為官用著為令 又陸震字汝亨陞武庫司

員外郎吏曰宜持帕往謁印綬監震獨不往遂移疾欲  
歸官長日使人速出視事吏胥郎曹迭往催迫不得已  
復出視事

增詩唐盧綸寄贈庫部王郎中

時充折  
羅使

詩曰諤諤漢名

臣從天令若春叙辭皆詔旨稱官即星辰草木承風偃  
雲雷施澤均威懲治粟尉恩洽讓田人衆貨方將散京  
坻自此陳五營俱益竈千里不停輪未遠金門籍旋清  
玉塞塵碩儒推慶重良友頌公頻鶴髮逢新鏡龍門躍

舊鱗荷君偏有問深感浩難申

增制唐賈至授趙良弼司庫員外郎制曰敕某以敬直  
方內義形於色蘊帷幄之謀略真士林之忠良元戎起  
行師出以律將謀韓厥之職宜選子方之智俾登仙署  
仍佐中權白居易授衢州刺史鄭羣庫部郎中齊州  
刺史張士階祠部郎中制曰敕具官鄭羣等今之正郎  
班望頗重中外要職多繇是遷故其所選不得不慎羣  
與士階久典名郡謹身化下有循吏之風會課陟明宜

當是選國之大事在祀及戎一掌祠曹一司武庫各頒其要爾宜敬之

駕部郎中一

員外郎附

今車駕司

原杜氏通典曰駕部郎中按周官夏官之屬有輿司馬又有校人主馬之官又有牧師掌牧放又有巾車掌公車之政及王之五路此皆駕部之本也魏晉尚書有駕部郎宋時駕部屬左民尚書齊亦有之後魏與北齊並曰駕部郎中後周有駕部郎中大夫屬夏官隋初為駕

部侍郎屬兵部

辛公義為駕部侍郎勾檢馬牧所獲十萬餘匹文帝喜曰惟我公義奉國竭忠

煬帝除侍字武德三年加中字龍朔二年改為司輿大夫咸亨初復舊天寶中改駕部為司駕至德初復舊掌輿輦傳乘郵驛廐牧司牛馬騾驢闡遺雜畜開元十八年閏六月敕比來給傳使人為先傳馬事頗勞煩自今以後應承傳者宜給紙券二十三年十月敕新給都督刺史並闕三官州上佐並給驛發遣二十八年六月敕有陸驛處得置水驛自二十年以後常置館驛使以他

官為之 員外郎 周官有輿士後周有小駕上士

蓋其任也至隋置與戶部同 增續會要曰宋駕部司

事一人以無職事朝官充輿輦車乘隸於太僕傳驛給  
受出於樞密院廐牧之政總於羣牧司本司無所掌元  
豐改制郎中員外郎始實行本部事 文獻通考曰駕

部掌輦輅車乘廐牧雜畜乘具傳驛之政令辨其出入  
之數建炎三年詔并太僕寺隸馬太僕有騏驎車輅二

院

左右騏驎院監官二員以武臣充掌司國馬總教駢  
四指揮之衆以養餵諸馬每一指揮百人為額 車

輅院掌供  
乘輿法物

題名記隆興初復裁內外官於是駕部又

當省而郎適贊讀王府有詔聽留需其遷勿補厥後間  
或並置要為有故而一員之制定矣 續文獻通考明  
兵部車駕清吏司郎中一人員外一人主事一人添設  
車駕郎中一人主事二人掌輦乘衛守廐牧傳郵之事  
以贊尚書

### 駕部郎中二

增職官分紀北齊馮子琮為駕部郎中攝庫部孝昭帝

閱簿領試令口陳子琮閣對無有遺失 唐李靖在隋為駕部員外郎左僕射楊素拊床謂曰卿終當至此

唐崔元亮字晦叔為駕部員外郎清謹介特意澹如也

天中記王翰字子羽并州人長史張嘉貞厚遇之翰

自歌以舞屬嘉貞神氣軒舉自如張說至禮益加舉超拔羣類擢為駕部員外郎家畜聲伎日使頤令自視王侯人莫不惡之 常袞駕部郎中制從容管劇每識通而理當 唐書畢誠字存之為駕部員外郎故事要家



勢人以倉駕二曹為辱誠沛然如處美官

增詩唐鄭谷送駕部鄭郎中三十八丈曰香浮玉陛曉  
辭天袍拂蒲茸稱少年郎署轉曹雖久次京河亞尹是  
優賢縱游雲水無公事貴買琴書有俸錢今日龍門看  
松雪探春明日向平泉 白居易贈駕部吳郎中曰幽  
閒靜境別無事惟有南宮老駕兄

御定淵鑑類函卷八十


謹案卷七十九第七頁前行和爾郭斯舊作忽  
魯火孫今改後倣此



謹案卷七十九第二十五頁前三行十一年按通  
典十上當有天寶二字

欽定四庫全書





總校官庶吉士臣張能照

校對官庶吉士臣陳墉

謄錄監生臣于飛鳳